



Statens vegvesen

Leiv Eidsnes
Eidsnesvegen 106
5913 EIKANGERVÅG

Behandlande eining:
Region vest

Sakshandsamar/innvalsnr:
Unn Jenny Utne Kvam - 55516243

Vår referanse:
2014/056274-003

Dykkar referanse:

Vår dato:
21.04.2015

— **Endring av førehandstilsegn - utbetring av eksisterande avkøyrsla - gnr. 215 bnr 19 - Lindås kommune**

Vi viser til førehandstilsegn datert 26.05.2014 og synfaring saman med Lars Eidsnes 13.04.2015.

Avkøyrsla slik den er i ferd med å verte opparbeidd er ikkje i samsvar med førehandstilsegnet. Det utfylte området langs vegen er ikkje breitt nok til at krav til 3 meter svingradius kan oppfyllest i retning søraust. Avkøyrsla var også vesentleg breiare enn den 3 meters breidda som er vist i prinsippskissa som følgde førehandstilsegnet.

På synfaring vart det drøfta ei løysing der breidda i avkøyrsla vert auka til 4,5 meter og der svingradius i retning søraust berre vert markert 90 grader inn i avkøyrsla. Dette er ei løysing som vegvesenet kan akseptere i denne saka. Vedlagt følgjer ei skisse som viser ei avkøyrsla utforma i samsvar med desse krava.¹

I retning nordvest ynskjer tiltakshavar å setje opp gjerde på murkanten, i tillegg til kant for å hindre utforkøyring. Fundamentet for gjerdet ikkje kan vere høgare enn 50 cm i frisiktsona. Eventuelt gjerde i frisiktsona må ha maskevidde på minimum 15 x 15 cm.

Betongkant og mur må avsluttast/nedførast før dei kjem i kontakt med vegkant. Dette for å unngå skade ved brøyting av fylkesvegen.

Vi gjer merksam på at avkøyrsla er dimensjonert for mindre køyrety (personbil). Tilkomst med større køyrety vil krevje ei større utfylling sør for fylkesvegen enn det som er opparbeida.

¹ Kartgrunnlaget er ikkje oppdatert, og plasseringa av avkøyrsla i skissa er derfor ikkje nøyaktig. Prinsippa i skissa kan samla sideforskyvast langs fylkesvegen.

Vedtak

Med heimel i veglova §§ 40-43 har vi fatta følgjande vedtak:

Punkt 5 i førehandstilsegn datert 26.05.2014 vert endra til:

- Svingradius skal vere 3 meter (diameter 6 meter). Svingradius i retning søraust skal markerast tydeleg med betongkant eller annan avvisande kant mot sideterrenget 90 grader inn i avkøyrsla, jamfør hjørneavrunding markert med rosa i vedlagt skisse. Det smalaste punktet i avkøyrsla skal vere 4,5 meter. I retning nordvest er det ikkje naudsynt å markere svingradius langs areal som er skravert med blått i vedlagt skisse. Avkøyrsla kan her avgrensast med kant langs mur vist i skissa.

Vidare saksgang

Ta kontakt med sakshandsamar dersom det er spørsmål i samband med opparbeiding av avkøyrsla.

Når avkøyrsla er opparbeidd etter krava vert bruksløyve gjeve av Statens vegvesen ved at tiltakshavar tar kontakt med sakshandsamar.

Vedtaket kan påklagast, jamfør vedlagt "Melding om rett til å klage over forvaltningsvedtak".

Plan og forvaltning - Bergen
Med helsing



Odd Høydalsvik
sjefingeniør



Unn Jenny Utne Kvam

Kopi: Lindås kommune (e-post)



Sender (stemplet til forvaltningsorganet)


Statens vegvesen
Region vest
**Melding om rett til å klage over
forvaltningsvedtak**

(Forvaltningslova § 27 tredje leddet)

Dato

③ Mottakar (namn og adresse)

④ Klageinstans

HORDALAND FYLKESKOMMUNE

Denne meldinga gjev viktige opplysningar dersom De vil klage på eit vedtak De er gjort kjend med.

Klagerett

De har rett til å klage på vedtaket.

Kven kan De klage til?

Klaga sender De til oss, dvs. det organet som er ført opp i rubrikk . Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk ④.

Klagefrist

Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.

**Rett til å krevje
grunngeving**

Dersom De meiner at vi ikkje har grunngeve vedtaket, kan De krevje ei slik grunngeving før fristen går ut. Ny klagefrist blir då rekna frå den dagen De får grunngevinga.

Innhaldet i klaga

De må presisere

- kva for eit vedtak De klagar på
 - årsaka til at De klagar
 - den eller dei endringar De ønskjer
 - eventuelt andre opplysningar som kan ha noko å seie for vurderinga av klaga
- Klaga må underskrivast.

**Utsetjing av gjennom-
føringa av vedtaket**

Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.

**Rett til å sjå saksdoku-
menta og til å krevje
rettleiing**

Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk . De vil då få nærmare rettleiing om retten til å klage, om framgangsmåten og om reglane for saksgangen.

Kostnadene med klagesaka

De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk ④) vil orientere Dykk om retten til å krevje slik dekning.

**Klage til
Sivilombodsmannen**

Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.

Særlege opplysningar

